

大戴禮記解詁

六戴禮記解詁卷之五

南城王聘珍學

曾子制言上第五十四

曾子曰夫行也者行禮之謂也

聘義曰眾人之所難而君子行之故謂之

有行又曰所貴於有行者貴其行禮也

夫禮貴者敬焉老者孝焉幼者

慈焉少者友焉賤者惠焉

貴者謂公卿大夫祭統曰孝者畜也順於道不逆於

倫是之謂畜慈愛也少謂年少於己者兄敬愛弟謂

之友賤卑賤也惠謂恩惠祭義曰貴貴爲其近於君也貴老爲其近於親也此禮也行之則行也立之則

慈幼爲其近於子也義也謂置之於天下義宜也禮運曰禮也者義之實

也今之所謂行者犯其上危其下衡道而彊立之天

下無道故若天下有道則有司之所求也

犯干也上謂貴者老

者危厲也下謂幼少賤者彊暴也立猶行也盧注云衡橫也故若且自如也有司所求言爲法吏所收誅也故君子不貴與道之士而貴有恥之士也若由富

貴與道者與貧賤吾恐其或失也若由貧賤與道者

與富貴吾恐其羸驕也

鄭注學記云興之言喜也歆也盧注云或猶惑也聘珍謂

釋名云羸累也羸驕者謂爲富貴所累而生驕也

夫有恥之士富而不以道

則恥之貧而不以道則恥之

論語曰邦有道貧且賤焉恥也邦無道富且貴

焉恥也弟子無曰不我知也鄙夫鄙婦相會於廡陰可

謂密矣明日則或揚其言矣故士執仁與義而明行

之未篤故也胡爲其莫之聞也

弟子曾子呼其門人也廣韻廡同牆爾雅

曰牆謂之墉密隱曲處也揚舉也篤厚也固殺六畜也中庸曰有弗行行之弗篤弗措也聞知也

不當及親吾信之矣使民不時失國吾信之矣盧注云凡

殺有時禮也聘珍謂及親者曾子大孝曰殺一獸不

以其時非孝也左氏昭八年傳曰作事不時怨譴動

於民孟子曰桀紂之失天下也蓬生麻中不扶自直

失其民也信任也言自任其咎蓬生麻中不扶自直

白沙在泥與之皆黑盧注云古說云言扶化之者眾是故人之相與

也譬如舟車然相濟達也已先則援之彼先則推之

相與謂與共事也舟以行水車以行陸是故人非人

濟渡也達謂通之使不陷絕也援引也

不濟馬非馬不走土非土不高水非水不流濟成也走趨也

管子云海不辭水故能成其大君子之爲弟也行則爲

人負無席則寢其趾使之爲夫人則否爲弟謂盡弟道也行謂道

路負荷也。席藉以坐者。盧注云。分重合輕。班白不任。弟達於道路也。寢前止並言。裁自容也。聘珍謂爲夫。人之爲讀曰僞。廣雅云。近市無賈。在田無野。行無據。僞欺也。夫人謂長者。

旅。苟若此。則夫杖可因。篤焉。盧注云。無賈無野。邱也。

野。讀曰野。玉篇廣韻並云。野。田虛也。行道也。據依也。

旅。處也。言君子所在皆窮也。杖持也。謂持守也。篤。同也。論語曰。富以苟。不如貧以譽。生以辱。不如死以榮。

君子固窮。富以苟。不如貧以譽。生以辱。不如死以榮。

辱可避。避之而已矣。及其不可避也。君子視死若歸。

匡謬正俗云。苟者。偷合之稱。所以行無廉隅。不存德義。謂之苟。且譽聲美也。辱。污也。榮。光明也。父母

之讎。不與同生。兄弟之讎。不與聚國。朋友之讎。不與

聚鄉。族人之讎。不與聚隣。盧注云。言辱之不可避也。

天。檀弓曰。昆弟之讎。仕不與共國。其從父兄弟。則不

爲。魁聘珍謂聚共也。同門曰朋。同志曰友。萬二千五

百家爲鄉也。五良賈深藏如虛。君子有盛教如無。居賣

買藏匿也。虛注云言珍寶深藏若虛。君子懷德若愚也。弟子問於曾子曰。夫士

何如則可以爲達矣。曾子曰。不能則學。疑則問。欲行

則比賢。雖有險道循行達矣。達謂行無不通。比謂比

道循順也。今之弟子病下人不知事賢。恥不知而又問。

欲作則其知不足。是以惑闇。惑闇終其世而已矣。是

謂窮民也。下人謂下於人也。論語曰。慮以下人。作爲

窮困也。論語曰。困而不學。民斯爲下矣。曾子門弟子或將之。晉曰。吾無

知焉。曾子曰。何必然往矣。有知焉。謂之友。無知焉。謂

之主。之往也。知謂所知之人。盧注云。謂之主。且客之而已。且夫君子執仁立志

大哉禮記釋古 卷之五 三

先行後言千里之外皆爲兄弟苟是之不爲則雖汝親庸孰能親汝乎

不爲不修也汝親謂親近之人親汝謂愛汝也盧注云庸用也孰誰也

會子制言中第五十五

會子曰君子進則能達退則能靜豈貴其能達哉貴

其有功也豈貴其能靜哉貴其能守也

進仕也達通也退避位靜

安也國功曰功持不惑曰守論語曰守死善道夫唯進之何功退之何守

云問君子進退是故君子進退有二觀焉

盧注云言有二等可

觀故君子進則能益上之譽而損下之憂

譽樂也損減也能安

上而全下也盧注云謂其功也不得志不安貴位不博厚祿負邦而

行道凍餓而守仁。

不得志言君不知己志安處也博
拏取也邦雷也農田器道路也盧

注云謂則君子之義也。

左氏襄二十六年傳曰其功
義則進否則奉身而退其功

守之義有知之則願也莫之知苟吾自知也。

爾雅曰願思也

言思其終也思其復也

吾不仁其人雖獨也吾弗親

也。學記曰獨學而無友則孤陋而寡聞論語曰汎愛
眾而親仁盧注云人而不仁不足友也故周公曰

不如我者吾不與處損我者必賢於我聘珍謂周公曰已
益我者吾所與處者必賢於我聘珍謂周公曰已

下並呂氏春秋先
識覽觀世篇文

故君子不假貴而取寵不比譽而

取食。

盧注云不因人之貴苟求寵
愛也不校名譽以求祿也

直行而取禮比說

而取友。

盧注云行正則見禮也聘珍謂左氏昭二十
八年傳曰擇善而從之曰比高注國策呂覽

並云說敬也論語曰有說我則願也莫我說苟吾自
善與人交久而敬之

說也

爾雅曰說服也樂也自說者孟子曰君子有三樂而王天下不與存焉

故君子無

愷愷於貧無勿勿於賤無憚憚於不聞布衣不完疏

食不飽蓬戶穴牖日孜孜上仁知我吾無訢訢不知

我吾無愷愷

盧注云憚憚憂惶也聘珍謂不聞人不

牖擊土室爲窗也孜孜不怠之意上仁尊仁也訢訢喜也

是以君子直言直行不

宛言而取富不屈行而取位

直正也說文云宛屈草

宛言說文云屈無尾也苟行似之故曰屈行位俯位也

畏之見逐智之見殺固

不難詘身而爲不仁宛言而爲不智則君子弗爲也

畏敬也爾雅曰逐病也見逐謂人疾害之也敬以安身而反見逐智以保身而反見殺皆非其罪也難患

也不難者謂非其罪君子不以爲患也漢書音義云詘古屈字盧注云小人在朝多逐害於仁智者君子

之人不枉言行而懷其祿也。君子雖言不受必忠。曰道雖行不受。

必忠。曰仁。雖諫不受必忠。曰智。荀子臣道云。逆命而

理也。仁親也。謂仁恩相親偶也。天下無道循道而行。

智知也。獨知事理不惑利害也。天下無道循道而行。

衡塗而償手足不掄四支不被。循從也。孟子曰。天下

云。衡橫也。償僮也。手足卽四支。說者申慙。詩云。行

耳。聘珍謂塗路也。被覆也。言其死於道路也。詩云。行

有死人。尙或瑾之。則此非士之罪也。有士者之羞也。

詩小雅小弁之篇。毛傳云。瑾。路冢也。鄭箋云。道中有

死人。尙有覆掩之。成其瑾者。羞恥也。言路人尙有哀

人之死者。有士者不惜其。是故君子以仁爲尊。天下

士之無罪而死。恥孰甚焉。之爲富何爲富。則仁爲富也。天下之爲貴何爲貴。則

仁爲貴也。昔者舜匹夫也。土地之厚。則得而有之人

大戴禮記擇古參之五 五

徒之眾則得而使之舜唯以得之也

尊謂尊長易曰君子體仁足以

長人天下爲富謂富有四海之內也天下爲貴謂貴爲天子也舜匹夫也者書曰有鰥在下曰虞舜得而使之者謂天下大悅而是故君子將說富貴必勉於歸之唯以者以仁也

仁也

論語曰富與貴是人之所欲也不以其道得之不處也君子去仁惡乎成名

昔者伯

夷叔齊死於溝洿之間其仁成名於天下

史記云伯

竹君之二子也餓死於首陽山孔子曰求仁得仁又何怨乎

夫二子者居河濟之

閒非有土地之厚貨粟之富也言爲文章行爲表綴

於天下

河濟之間卽首陽之下也酈注水經云河水南對首陽山夷齊之歌所以曰登彼西山矣

河南有鉤陳壘世傳武王伐紂八百諸侯所會處河水又東漢水入焉又東濟水注焉史記正義云戴延之西征記洛陽東北首陽山有夷齊廟今在偃師縣西北孔氏禹貢疏云地理志云濟水出河東垣縣王

屋山東南至河內武德縣入河。聘珍案：王屋山在今河南懷慶府濟源縣西北八十里。武德故城在今武陟縣東。文章法度也。說文云：表，上衣也。从衣，从毛。古者衣裘以毛爲表，綴合著也。表綴者，謂以毛裘之物著於木上以爲望視標準者也。是故君子思仁義，晝則忘食，夜則忘寐。日且就業，夕而自省，以役其身，亦可謂守業矣。役勞

曾子制言下第五十六

役也。論語曰：吾嘗終日不食，終夜不寢，以思無益，不如學也。曾子立事曰：學必由其業。

曾子曰：天下有道，則君子訢然以交同。天下無道，則

衡言不革。

訢，樂也。交同，謂上下交而其志同也。盧注云：衡，平也。聘珍謂平言言遜也。革，變也。中

庸曰：國無道，至死不變。

諸侯不聽，則不干其土；聽而不賢，則不

踐其朝。是以君子不犯禁而入。

聽從也。干，冒進也。土，謂疆土。廣雅云：賢，聲。

也。踐其朝，謂履其位也。禁忌也。入境及郊，問禁，請命。

不聽，不賢則必忌之。從外曰入。入境及郊，問禁，請命。不通患而出危色。

政教所忌，請猶問也。命，政令也。不通患，則去無遲疑之色。論

則秉德之士不調矣。通，知也。患，難也。危，疑也。言未仕

語曰：亂邦不居，是也。故君子不調富貴以爲己說，不

乘貧賤以居己尊。說，謂容悅。乘，陵也。居，處也。論。凡行

不義則吾不事，不仁則吾不長。事，謂奉事。任其役使

也。長，謂官長。不長者，不爲其奉相仁義，則吾與之聚羣嚮爾。

也。聚，共也。羣，謂羣居。嚮，謂嚮往。言奉助仁義之人，寇盜則吾與慮。

君子身則與之聚羣，而心則嚮往之。寇盜則吾與慮。慮，謀也。言君子所聚羣嚮爾之人，若遇寇盜之事，則

常與其謀。孟子曰：子思居於衛，有齊寇，或曰寇至，盍

去諸子思曰：如國有道，則突若入焉；國無道，則突若

去。去諸君誰與守。

出焉如此之謂義

突讀曰鳩說文云鳩疾飛貌盧注云詩曰鳩彼晨風鬱彼北林也突

若出者如大鳥奮翼而去也義宜也

夫有世義者哉

夫謂君子世義謂與世相宜也此問

君子出入時宜之道下文乃爲答之之詞

曰仁者殆恭者不入慎者不見

曰者答上文問詞也盧注云殆

使正直者則邇於刑弗違則殆於罪

曰者答上文問詞也盧注云殆

危也仁者危之恭者又不受也邇近也違去也聘珍謂慎謹也使用也不去則罪及於身是故君

子錯在高山之上深澤之污聚橡栗藜藿而食之生

耕稼以老十室之邑

錯置也謂君子自置其身也汚水曲也呂氏恃君云冬日則食

橡栗高彼注云橡阜斗也其狀似栗太史公自序云藜藿之食張氏正義云藜似藿而表赤藿豆葉也生

業也生耕稼謂以耕稼爲生也言君子去無道之國而隱居自給無求於人所謂與世相宜之道也是

故昔者禹見耕者五耦而式過十室之邑則下爲乘

德之士存焉。兩人共耕曰耦。式車中小僂也。下謂下車。盧注云不侮之也。

曾子疾病第五十七

曾子疾病。曾元抑首。曾華抱足。盧注云疾困曰病。元

抑按也。抱持也。曾子曰：微乎！吾無夫顏氏之言。吾何以語汝

哉！然而君子之務盡有之矣。孔氏檀弓疏云：微無也。言無得如是與語告也。

務事也。夫華繁而實寡者天也。言多而行寡者人也。華

木華也。爾雅曰：華，芎也。華，芎榮也。木謂之華。草謂之

榮。不榮而實者謂之秀。榮而不實者謂之莢。論語曰：

雷而不秀者有矣夫。秀而不實者有矣夫。孔鴈以

被注云：言萬物有生而不育成者，喻人亦然。山爲卑而曾巢其上。魚鼈鼃鼃以淵爲淺而蹙穴其

中。卒其所以得之者，餌也。是故君子苟無以利害誘

則辱何由至哉

鶴鷲鳥也。曾讀曰增。說文云。鳥在木

似蜥。易長大。歷讀曰掘穴窟也。餌食也。盧注云。求生之厚。動之死地也。

大鼃也。鼃水蟲

外交近者不親。不敢求遠。小者不審。不敢言大。

親戚謂父

母也。五帝本紀云。堯二女事舜親戚。甚有婦道。交友也。親愛也。審悉也。

故人之生也。百

歲之中。有疾病焉。有老幼焉。故君子思其不復者。而

先施焉。親戚既歿。雖欲孝。誰爲孝。年既耆艾。雖欲弟。

誰爲弟。故孝有不及。弟有不時。其此之謂與。

疾病老幼之時

不能盡孝弟之禮。復返也。施行也。年謂己之年。言不

者長也。艾老也。言孝弟之道。宜及時而盡也。遠身言之主也。行不遠身行之本也。言有主。行有本。

謂之有聞矣。盧注云。知身是言行之基。可謂聞矣。君子尊其所聞。則高

明矣行其所聞則廣大矣高明廣大不在於他在加
之志而已矣尊崇也說文云聞知聞也高明以德言廣大以業言志意也易曰聖人崇德而
與君子游苾乎如入蘭芷之室久而不

聞則與之化矣與小人游貸乎如入鮑魚之次久而

不聞則與之化矣是故君子慎其所去就必馨香也蘭芷皆香也

草蘭亦作蘭芷一名蔭孔氏中庸疏云變盡舊體而

有新體謂之為化釋名云貸賒貸者言以物貸于賒

者言必乘之不復得也不相量事者之稱聘珍謂人

以身入小人之類與之俱化是以身身貸于之也郊

注周禮云鮑者於楅室中與君子游如長日加益而

不自知也與小人游如履薄冰每履而下幾何而不

陷乎哉盧注云如日之長雖日加益而不自知也聘珍謂履踐也每類也陷沒也吾不見

好學盛而不衰者矣。吾不見好教如食疾子矣。

盧注云言

未見好教欲人之受如備疾子也。

吾不見日省而月考之其友者矣。

省察也。考校也。

言就其友省察考校己之德行道藝也。此言人之好學者。論語曰：日知其所亡，月無忘其

所能。可謂

好學也。已。吾不見孜孜而與來而改者矣。

孜孜不怠之意。來謂

來學者。改謂改其失也。此言人之好教者。學記曰：教也者，長善而救其失者也。

曾子天圓弟五十八

單居離問於曾子曰：天圓而地方者，誠有之乎？曾子

曰：離而聞之云乎？

中規者謂之圓，中矩者謂之方。盧注云：而猶汝也。汝聞則言之也。

單居離曰：弟子不察此，以敢問也。曾子曰：天之所生

上首，地之所生下首。

爾雅曰：首，始也。天地交而萬物生。天氣下降，生自上始。地氣上

大戴禮記解詁

卷之五

九

騰生自

下始上首之謂圓

萬物資始

下首之謂方

萬物資

為如誠天圓而地方則是四角之不揜也且來吾語

汝參嘗聞之夫子曰天道曰圓地道曰方

盧注云道曰方圓耳

非形也

方曰幽而圓曰明

盧注云方者陰義而圓者陽理故以明天地也

明者

吐氣者也是故外景幽者含氣者也是故內景

吐猶出也

說文云景光也外景者

故火曰外景而金水內景

離

火為日以二陽而周乎一陰之外故光在外兌為金

以二陽而說於一陰之內坎為水以一陽而陷於二

陰之中故

吐氣者施而含氣者化是以陽施而陰化

光在內

也施字也化生也謂化其所陽之精氣曰神陰之精

也施也易曰天施地生也

氣曰靈神靈者品物之本也而禮樂仁義之祖也而

氣曰靈神靈者品物之本也而禮樂仁義之祖也而

善否治亂所興作也

神謂天神靈謂地祇說文云天

物者也

品眾庶也爾雅曰祖始也盧注云樂由陽來

禮由陰作

仁近樂義近禮故陰陽爲祖也聘珍謂善

則治否則亂

易曰天地交泰內陽而陰陽之氣各靜

外陰也

天地不交否內陰而外陽也

其功則靜矣

也毛詩傳云靜安也偏則風也陰不正

於陽旋而無

俱則亂相薄而有昏爲露交則電說文

形爲風也

陰陽激亂則霧爾雅曰地氣發天不應曰霧釋名和

耀也

則雨故水從雲下也陽氣勝則散爲雨露陰氣勝則

凝爲霜雪

文云雨水從雲下也雲潤澤也霜喪也成

雨說物者

陽之專氣爲電陰之專氣爲霰霰霰者一

氣之化也

說文云苞雨水也霰積雪也盧注云陽氣

在雨溫

如湯陰氣薄之不相入轉而爲

電陰氣在雨疑滯爲雪陽氣薄之不相入散而爲霰故春秋穀梁說曰電者陰背陽之象霰者陽背陰之符

也毛蟲毛而後生羽蟲羽而後生毛羽之蟲陽氣之所生也

鄭注大司徒云毛蟲貂狐貉貉之屬縛毛者也羽蟲翟雉之屬淮南天文云毛羽者飛行

之類也故介蟲介而後生鱗蟲鱗而後生介鱗之蟲屬於陽

陰氣之所生也

鄭注大司徒云介蟲龜鼈之屬水居陸生者鱗蟲魚龍之屬淮南天文云

介鱗者蟄伏之類也故屬於陰唯人爲保甸而後生也陰陽之精也

虛注云保甸謂無毛羽與鱗介也人受陰陽純粹之精有生之貴也毛蟲之精者曰鱗

羽蟲之精者曰鳳介蟲之精者曰龜鱗蟲之精者曰

龍保蟲之精者曰聖人

爾雅曰麀麀身牛尾一角鵬鳳其雌皇易曰十朋之龜附

雅曰六曰神龜二曰靈龜三曰攝龜四曰寶龜五曰交龜六曰筮龜七曰山龜八曰澤龜九曰水龜十曰

火龜說文云龍鱗蟲之長能幽能明能細能巨能短
能長春分而登天秋分而潛淵陸氏爾雅音義云三
虫爲蟲而忠切有足者也今人以虫爲蟲相承假借
用耳說文云虫一名蝮象其形物之微細或行或飛
或毛或倮或介或鱗以虫爲象爾雅曰有足謂之蟲
無足謂之虫月令鱗毛羽介皆謂之蟲白虎通以聖
人爲倮蟲之長白上聖龍非風不舉龜非火不兆此
下達蛆蟻通有蟲通耳龍非風不舉龜非火不兆此
皆陰陽之際也舉飛動也說文云兆灼龜坼也際有也虛注云龜龍爲陰風火爲陽
之會茲四者所以役於聖人也役謂役使禮運曰聖人作則四靈爲畜
也原感龍謂之四靈是故聖人爲天地主爲山川主爲鬼神主
爲宗廟主主者主其祭禮鬼神謂四方百物聖人慎守日月之數以
察星辰之行以序四時之順逆謂之厯察審也序次也虛注云審
十二月分數於昏旦之長短之
中見與伏以察時之借百
截十二管以宗八音

之上下清濁謂之律也

漢書律歷志云黃帝使伶倫

之竅厚均者斲兩節間而吹之以爲黃鐘之宮制十

也。二節以聽鳳皇之鳴以比黃鐘之宮是爲律本宗主

而準配金石絲竹也。聘珍謂律也者六律六呂統謂

律孔云律謂六律六呂居陰而治陽居陽而治

陰居處也律述地氣故曰居陰治陽者節氣既得可

者皆天事也。麻悉天象故曰居陽治陰者象數不忒

可因日星之出入晝夜之承短以知東西南朔之高

下向背以正作訛成易律。麻迭相治也其間不容髮

之時所治者皆地事也。律麻迭相治也其間不容髮

五衰以別親疏和五聲之樂以導民氣合五味之調

以察民情正五色之位成五穀之名

五禮謂春官宗伯所掌吉凶賞

年嘉五禮也。盧注云：五禮其別三十六。生民之紀在

焉。聘珍謂五衰五服也。鄭注喪服云：凡服上曰衰，下

曰裳。賈疏云：兼解五服五服，謂斬衰、齊衰、大功、小功、

緦麻也。親者服重，疏者服輕。五聲者，樂記曰：宮爲君，

商爲臣，角爲民，徵爲事，羽爲物。導宣導也。五味者，周

禮曰：春多酸，夏多苦，秋多辛，冬多鹹。調以滑甘，調和

也。察民情者，王制曰：中國夷蠻戎狄皆有安居和味。

又曰：五味異和，五色之位者，放工記曰：東方謂之青，

南方謂之赤，西方謂之白，北方謂之黑，地謂之黃。盧注云：祭猶別也。五穀者，謂黍、稷、麻、麥、菽也。序五

牲之先後，貴賤諸侯之祭牛，曰太牢。大夫之祭，牲羊

曰少牢。士之祭，牲特豕，曰饋食。盧注云：五牲，牛、羊、豕、

尙也。聘珍謂陸氏儀禮釋文云：養牲所曰牢。何注公

羊云：牛、羊、豕，凡三牲。曰太牢，羊、豕，凡二牲。曰少牢，豕

注儀禮云：祭肥自熟始。無祿者，稷饋。稷饋者，無尸。無

尸者，厭也。盧注云：庶人無常牲，故以稷爲主。鄭注士

尸者，厭也。盧注云：庶人無常牲，故以稷爲主。鄭注士

尸者，厭也。盧注云：庶人無常牲，故以稷爲主。鄭注士

尸者，厭也。盧注云：庶人無常牲，故以稷爲主。鄭注士

尸者，厭也。盧注云：庶人無常牲，故以稷爲主。鄭注士

尸者，厭也。盧注云：庶人無常牲，故以稷爲主。鄭注士

尸者，厭也。盧注云：庶人無常牲，故以稷爲主。鄭注士

心無所繫立尸而主意焉鄭注曾子問云厭厭既神也厭有陰有陽迎尸之前祝酌奠奠之且饗是陰厭也尸設之後徹薦俎教設於西北隅是陽厭也然則陰厭在尸未至之前陽厭在尸既起之後是厭之無也宗廟曰芻豢山川曰犧牲割列禋瘞是有五牲注云牛羊曰芻犬豕曰豢色純曰犧體完曰牲宗廟言豢山川言牲互文也山川謂岳瀆以方色角尺其餘用厯索之割割牲也列禋辜讓而禋也瘞埋也聘珍謂割牲者以血祭祭社稷月令曰大割祠於公社是也列禋辜者祭四方百物而禋者先鄭注雞人職云面禋四面禋也祭山林曰埋此之謂品物之本禮樂之祖善否治亂之所由興作也

大戴禮記解詁卷之五終

姪嘉會校刊

大戴禮記解詁卷之六

南城王聘珍學

武王踐阼弟五十九

武王踐阼

孔氏曲禮下疏云踐履也阼主人階也履主階行事故云踐阼也

三日召

士大夫而問焉曰惡有藏之約行之行萬世可以爲

子孫恆者乎

盧注云惡猶於何也言於何有約言而行之乃行萬世而猶得其福聘珍謂藏

懷也約少也

要也行之行謂施則諸大夫對曰未得

行也易曰恆久也爾雅曰恆常也

聞也然後召師尙父而問焉詩曰維師尙父鄭箋云

尊稱

曰黃帝顓頊之道存乎意亦忽不可得見與

帝繫曰少典產軒轅是爲黃帝黃帝產昌意昌意產高陽是爲帝顓頊孔氏學記疏云武王言黃帝顓頊之道

大戴禮記解詁

卷之六

一

恒在與意言意恒念之但其道超忽已遠亦恍惚不可得見與與語辭師尚父曰在丹

書王欲聞之則齊矣孔疏云丹書者聘珍謂張氏史記周

本紀正義云尚書帝命諡云季秋之月甲子赤三日

王端冕師尚父亦端冕奉書而入負屏而立三日者

日也孔疏云端冕者謂袞冕也其衣正幅與元端同

故云端冕故皇氏云武王端冕謂袞冕也樂記魏文

侯端冕謂元冕也聘珍謂入者入於路門也負背也

屏謂之樹天子外屏在路門之外經云負屏者謂師

尚父入路門之後北面而立其屏在後入

門而猶言屏者因屏以明所立之向背也王下堂南

面而立師尚父曰先王之道不北面王行西折而南

東面而立師尚父西面道書之言堂謂路駘之堂也

先王之禮雖詔於天子無北面所以尊師

也師尚父西面者孔疏云皇氏云王在賓位師尚父

者學記曰大學之禮雖詔於天子無北面所以尊師

主位故西面王庭之位若尋常師徒之教則師東面弟子西面與此異也曰敬勝怠者吉

怠勝敬者滅義勝欲者從欲勝義者凶凡事不彊則

枉弗敬則不正枉者滅廢敬者萬世勝克也欲謂私欲鄭注少牢饋

食云從者求吉得吉之言彊自彊也枉撓敗也易曰敬以直內弗敬不正者謂存心不敬則身不正矣

藏之約行之行可以爲子孫恆者此言之謂也盧注云問

先帝之道庶聞要約之旨故對此而已且臣聞之以仁得之以仁守之

其量百世以不仁得之以仁守之其量十世以不仁

得之以不仁守之必及其世盧注云以仁得之以仁守之以不仁得之以仁

守之皆謂創基之君十百世謂子孫無咎譽者於十百之外天命則有興改其廢立大節依於此及其世

謂止於其身也王聞書之言惕若恐懼退而爲戒書易曰君子終日

乾乾夕惕若又曰君子以恐懼修省於席之四端爲

銘焉於机爲銘焉於鑑爲銘焉於盥盤爲銘焉於楹

爲銘焉於杖爲銘焉於帶爲銘焉於屨屨爲銘焉於

觴豆爲銘焉於戶爲銘焉於牖爲銘焉於劍爲銘焉

於弓爲銘焉於矛爲銘焉說文云席籍也孔氏祭統

題勒也机案屬所以坐安體者鑑鏡也盥盤承盥水

者楹屋柱也帶巾束衣者觴酒器豆古食肉器也戶

房室戶也牖室之南窗也說文席前左端之銘曰安

樂必敬盧注云安前右端之銘曰無行可悔盧注云

朝夕故以懷後左端之銘曰一反一側亦不可以忘

盧注云言雖反側之後右端之銘曰所監不遠視邇

閒不可以忘道也

所代

盧注云周監不遠近在有殷之世

机之銘曰皇皇惟敬口生垢

口戕口

少儀曰言語之美穆穆皇皇喏謂詬病羞等也書曰惟口起羞戕害也大學曰言悖而出

者亦悖而入盧注云机者人君出令所依故以言語爲戒也鑑之銘曰見爾前慮

後

鑑見面之容慮思也後謂所不見者

鹽盤之銘曰與其溺於人也

寧溺於淵溺於淵猶可游也溺於人不可救也

人謂庶民緇衣曰夫民閉於人而有鄰心易以溺人淵深水也浮水曰游盧注云日知所亡學者之功溺

於民庶大人之禍故或以自新取戒或以游溺爲鑑也楹之銘曰母曰胡殘其

禍將然母曰胡害其禍將大母曰胡傷其禍將長

也殘壞也禍謂禍哉然燒也孟子曰若火之始然杖之銘曰惡乎危於忿

惡乎失道於嗜慾惡乎相忘於富貴

盧注云惡於何也忿者危之道

怒甲及乙又危之甚杖危故以危戒也杖依道而行
之言身杖相資也因失道相忘乃嗜慾安樂之戒也
聘珍謂說文云嗜慾喜之也溺於富貴而忘其道

必恭恭則壽

脩飾也容謂容貌貌正曰恭盧注云雖夜解息其容不可以苟帶於寢先釋故

因言屢屨之銘曰慎之勞勞則富

盧注云行慎躬勞躬勞終福論慎屨

亦財不費也屨在下尤勞辱因爲

觴豆之銘曰食自

杖食自杖戒之僑僑則逃

說文云杖持也食自杖言食以禮自持也僑恣也逃

也戶之銘曰夫名難得而易失無勸弗志而曰我知

之乎無勸弗及而曰我杖之乎擾阻以泥之若風將

至必先搖搖雖有聖人不能爲謀也

廣雅云勸賴也志念也及猶汲

汲也杖持也言無所倚賴而不志念反曰知之無所
倚賴而不汲汲反曰持之言其不相量事也擾讀曰

獲顏注漢書云優拔拭也阻讀曰予所畜租之租泥塗也詩曰迨天之未陰雨徹彼桑土綯繆牖戶又曰予室翹翹風雨所漂搖左氏襄四年傳曰咨雉爲謀淮南人間訓云患生而救之雖有聖知弗能爲謀耳

歸之銘曰隨天之時以地之財敬祀皇天敬以先時

隨天時者牖所以見日也以地財者以木爲交窗也盧注云先祭時而敬齊劍之銘曰帶

之以爲服動必行德行德則興倍德則崩服佩也倍

壞也盧注云弓之銘曰屈伸之義廢興之行無忘自以順誅也

過屈伸者弓之往來體也易曰弓矢者器也

射之者人也君子藏器於身待時而動

曰造矛造矛少閒弗忍終身之羞造作也少閒須臾

盧注云重言造矛見造矛之不易也言少閒之羞恥也

人所聞以戒後世子孫

盧注云於殺之中禮恕存焉予一燕翼子武王之詩也

衛將軍文子弟六十

衛將軍文子問於子贛

盧注云文子衛卿也名彌牟子贛端木賜也衛人衛之相

也聘珍謂孔氏檀弓疏云案世本靈公生昭子郟郟生文子木及惠叔蘭蘭生虎爲司寇氏文子生簡子瑕瑕生衛將軍文氏曰吾聞夫子之施教也先以詩然則彌牟是木之字

世道者孝悌說之以義而觀諸體成之以文德蓋受

教者七十有餘人聞之孰爲賢也

施設也詩謂六詩周禮曰六詩曰風

日賦曰比曰興曰雅曰頌是也先以詩者論語曰興於詩也高注呂氏誣徒云世時也道言也孝悌德之本也故時言之說告也論語曰君子義以爲質觀示也體行也論語曰吾無行而不與二三子者文謂道藝德謂德行史記云孔子曰受業身通者七子貢對十有七人皆異能之士也孰誰也賢勝也辭以不知文子曰吾子學焉何謂不知也

辭謝也學謂學於孔

也。子貢對曰：賢人無妄，知賢則難。故君子曰：智莫難

於知人，此以難也。

賢人謂以賢稱人，妄誣也。知賢謂

惟帝其難之。

文子曰：若夫知賢人莫不難，吾子親游焉，是

敢問也。子貢對曰：夫子之門人蓋三就焉，賜有逮及

焉，有未及焉，不得辯知也。

游謂與諸賢游於聖人之門，逮與也。辯讀曰徧，盧注

云：三就謂大成、次成、小成也。未及者謂先就夫子而

或止或退，未得及己見也。或以子貢違夫子之後，有

新來者也。文子曰：吾子之所及，請問其行也。子貢對曰：夙

興夜寐，諷誦崇禮，行不貳過，稱言不苟，是顏淵之行

也。孔子說之以詩，詩云：嬖茲一人，應侯順德，永言孝

思，孝思惟則，故國一逢有德之君，世受顯命，不失厥

名以御于天子以申之

崇禮者非禮勿視非禮勿聽

顏氏之子其殆庶幾乎有不善未嘗不知知之未嘗

復行也論語曰不貳過盧注云顏回魯人字子淵也

詩大雅下武之四章也婚茲一人謂御於天子而蒙

寵愛應侯順德達國君能成其德孝思惟則此文在

前章兼以說之故連言也御于天子在貧如客使其

以申之於諸侯受爵命未盡其能

臣如藉不遷怒不探怨不錄舊罪是冉雍之行也孔

子曰有土君子有眾使也有刑用也然後怒匹夫之

怒惟以亡其身詩云靡不有初鮮克有終以告之在

謂處約也如客讀曰而客傲也臣男子賤稱也探遠

取之也錄記錄也論語曰不念舊惡盧注云如客言

安貧也藉借也如借力然也冉雍魯人也字仲弓使

舉也夫子因其性不好怒故說妄怒之敗也書曰惟

辟作威也詩大雅蕩首章不畏強禦不侮矜寡其言

也言冉雍能終其行也

曰性都其富哉任其戎是仲由之行也夫子未知以文也詩云受小共大共爲下國恂蒙何天之寵傳奏

其勇夫強乎武哉文不勝其質

畏懼也強禦強梁禦善者侮侵也孟子曰

老而無妻曰矜老而無夫曰寡都其富哉贊美之辭也楚語曰富都那豎革注云富富於容貌都閑也說文云戎兵也論語曰可使治其賦也孔云賦兵賦也夫子謂孔子未知未許也論語曰子路問成人子曰文之以禮樂盧注云其言曰性者其言惟陳其性不苟虛妄仲由衛人字子路一字季路大夫也詩殷頌長發之五章也頌湯伐桀除災之事恂信也言下國信蒙其富詩爲駿龐或古有二文或以義賦寵傳又爲龍敷聘珍謂中庸曰子路問強鄭彼注云強勇者所好也廣雅云武勇也論語曰質勝文則野又曰野哉由

恭老恤孤不忘賓旅好學省物而不愆是冉求

之行也孔子因而語之曰好學則智恤孤則惠恭老

則近禮克篤恭以天下其稱之也宜爲國老

恭敬也幼而無

父曰孤族客也省減省也勳讀曰勤勞也盧注云物

猶事事省則不勳也聘珍謂史記云冉求字子有爲

季氏宰廣雅云惠仁也克能也篤厚也以天下言能

左右天下也中庸曰君子篤恭而天下平稱舉也謂

舉而用之也盧注云宜爲志通而好禮擯相兩君之

國之尊也言任爲卿相也

事篤雅其有禮節也是公西赤之行也孔子曰禮儀

三百可勉能也威儀三千則難也公西赤問曰何謂

也孔子曰貌以擯禮禮以擯辭是之謂也主人聞之

以成孔子之語人也曰當賓客之事則通矣謂門人

曰二子欲學賓客之禮者於赤也

志通者知類通達也鄭注周禮

云出接賓曰摯人贊禮曰相雅正也禮節者之制

度也禮器曰經禮三百曲禮三千鄭彼注云經禮謂

禮三百曲禮三千鄭彼注云經禮謂

禮三百曲禮三千鄭彼注云經禮謂

周禮也。周禮六篇，其官有三百六十，曲猶事也。事禮謂今禮也。禮篇多亡，本數未聞。其中事儀三千，貌謂容貌，辭辭令也。盧注云：公西赤，魯人也。字子華，禮經三百，可勉學而能躬行三千之威儀，則難而公西赤能躬行也。禮待貌而行，辭得禮而發言，貌所以擯贊三千之儀也。主人謂主言行，此在於人也。聞之以成者，公西滿而不滿，實如虛通之如不及。先生難赤聞之以成，滿而不滿，實如虛通之如不及。先生難之不學其貌，竟其德，敦其言於人也。無所不信，其橋大人也。常以皓皓，是以脩壽。是曾參之行也。孔子曰：孝德之始也，弟德之序也，信德之厚也，忠德之正也。參也中，夫四德者矣哉！以此稱之也。滿充也。道德充足，不自滿假也。論語曰：有若無實，若虛通之，謂受業身通。論語曰：學如不及，難之難能也。盧注云：先生者，猶難之亦所謂先子之所畏也。聘珍謂不學其貌者，不習文貌也。竟盡也。樂記曰：德者性之端也。竟其德者，盡其性也。敬

厚也。信誠也。無所不信者。謂尊卑長幼。一以至誠與之也。橋大謂高明廣大也。皓皓潔白也。言孝子之潔白也。是以翁壽以介翁壽也。韓詩外傳云。曾子曰。吾嘗仕爲吏。祿不過鐘釜。尚猶欣欣而喜者。非以爲多也。樂道養親也。史記云。曾參南武城人。字子與。孔子以爲能通孝道。故授之業。作孝經。盧注云。天道曰至德。地曰敏德。人道曰孝德。四代曰有天地德。有地德。夫學天地之德者。皆以無私爲能也。動而樂施者。天德也。安而待化者。地德也。故天之德有廣狹矣。自餘禮義忠信已下。皆爲人德。因事則爲禮。厚其行則爲孝。業功不伐。貴位不善。不侮可侮。不佚可佚。不敖無也。告是顓孫之行也。孔子言之曰。其不伐則猶可能也。其不弊百姓者則仁也。詩云。愷悌君子。民之父母。夫子以其仁爲大也。業事也。自矜曰伐。善猶喜也。不善謂無喜色也。侮慢也。佚逸樂也。虛注云。天民之窮無所告者。不陵敖之也。顓孫卨陳人也。子張字也。詩大雅洞酌之首章也。聘珍謂說文八

弊頓仆也。表記曰：凱以學以深，厲以斷，送迎必敬。上強教之，悌以悅安之。

友下交，銀手如斷，是卜商之行也。孔子曰：詩云：式夷

式已，無小人殆而商也。其可謂不險也。盧注云：學深

也。厲以斷性，嚴厲而能斷決，銀廉錫也。如斷言便能

卜商，衛人。字子夏，爲魏文侯師。詩小雅節之四章，聘珍謂毛傳云：式，用也。夷，平也。用平則已。無貴之不喜

以，小人之言至於危殆也。不險，言不危也。賤之不怒，苟於民利矣。廉於其事上也。以佐其下，是

澹臺滅明之行也。孔子曰：獨貴獨富，君子恥之。夫也

中之矣。苟，誠也。廉，猶儉也。佐，助也。以佐其下者，損上

也。字子羽，魯大夫。聘，珍謂獨者不與民同也。夫，謂滅明中得也。言得君子之道也。先成其慮，及

事而用之，是故不忘。是言偃之行也。孔子曰：欲能則

學欲知則問欲善則訊欲給則豫當是如偃也得之

矣慮謀也論語曰好謀而成用之謂用其所謀也忘失也史記云言偃吳人字子游訊猶問也給足也

孫備也晉語曰豫而後給獨居思仁公言言義其聞之詩也一日

三復白圭之玷是南宮縚之行也夫子信其仁以爲

異姓公猶官也詩曰白圭之玷尚可磨也斯言之玷不可爲也序云衛武公刺厲王亦以自警也論

語曰南宮縚魯人也字子容異姓謂以兄之子妻之盧注云

南宮縚魯人也字子容異姓謂以兄之子妻之司儀職曰時自見孔子入戶未嘗越屨往來過人不履影

開蟄不殺方長不折執親之喪未嘗見齒是高柴之

行也孔子曰高柴執親之喪則難能也開蟄不殺則

天道也方長不折則恕也恕則仁也湯恭以恕是以

日躋也

盧注云凡在於室卑者之屨皆陳於戶外故雖後至而不越焉不越人之屨不履人之影

謙慎之至也

高柴齊人也字子羔爲邾宰湯北事於

茲恭也

教綱者祝也詩股頌曰聖敬日躋聘珍謂

螫螫蟲也

開啟也長生長也折斷也檀弓曰高子卑

之執親之喪也

泣血三年未嘗見齒君子以爲難說

文云怨仁也

毛此賜之所親睹也吾子有命而訊賜

詩傳云躋升也

爾雅云訊言也有命文子曰吾聞之

也國有道則賢人興焉

中人用焉百姓歸焉若吾子

之語審茂則一諸侯之相也

亦未逢明君也興起也謂起而

在位也中正也審悉也

盧注云茂盛也一皆也子貢既與衛將軍文子言適

魯見孔子曰衛將軍問二三子之行於賜也不一而

三賜也辭不獲命以所見者對矣未知中否請嘗以

告孔子曰言之子貢以其質告孔子既聞之笑曰賜

汝偉爲知人賜

中當也嘗猶試也以告謂以所對告夫子也盧注云質猶實也偉爲知人

言大爲知人也

再言賜者善之子貢對曰賜也焉能知人此賜之所

親睹也孔子曰是女所親也吾語女耳之所未聞目

之所未見思之所未至智之所未及者乎子貢曰賜

得則願聞之也

盧注云言未至未及者爲其德廣厚也聘珍謂得猶足也謂足與語也

孔子曰不克不忌不念舊惡蓋伯夷叔齊之行也

云克好勝人忌有惡於人也論語曰伯夷叔齊不念舊惡怨是用希也聘珍謂陸氏釋文云伯夷名允字

公信孤竹君之子伯長也夷諡一本名元叔齊名賀字公達伯夷之弟齊亦諡也夷齊名見春秋少陽篇

晉平公問於祁奚曰羊舌大夫晉國之良大夫也其

行如何

杜氏春秋世族譜云平公音侯彪悼公子祁

舌其所食邑羊舌大夫叔向祖父

祁後對辭曰不知也公曰吾聞女

少長乎其所女其闒知之

少長乎其所言後自幼長

深也或云羊舌大夫為羊舌非也據左傳讀曰余

年祁後為中軍尉羊舌職佐之臍之父也襄三年祁

奚請老於是羊舌職死矣祁午為中軍尉羊舌赤佐

之臍之兄也襄十一年羊舌臍始見左傳其時奚老

久矣不得反云少長乎其所也案唐書宰相世系表

云晉武公子伯僑生文文生突羊舌大夫也鄭氏通

志云晉獻侯四世孫奚食邑於祁遂以為氏據世次

則羊舌大夫較奚先一世故奚少長於其所虛氏舊

注文字譌脫俗儒不察遂云祁後對曰其幼也恭而遜

恥而不使其過宿也

恭敬也遜順也恥謂行己有恥

其為侯大夫也悉善

宿蓄也言恥其過而速改也

而謙其端也

爾雅曰侯君也

侯大夫謂君大

夫也。悉善者，詳盡善道以事君也。端本也。易曰：其爲謙也者，致恭以存其位者也。又曰：謙德之柄也。其爲公車尉也。信，句而好直其功也。公車尉，軍尉也。左氏

夫爲尉，杜注云：羊舌大夫叔向祖父也。尉，軍尉。信，誠也。直，正也。功，謂軍功。直其功，言卒乘之有功者，正之

不使冒。至於其爲和容也，溫良而好禮，博聞而時出

其志。諸侯及受命而使也。博聞，謂閑習故事，志意也。時出，其志者，公羊莊十九年傳曰：大夫受命，不

受辭，出竟有可以安社稷、利國家者，專之可也。公曰：嚮者問女，女何曰弗知也？邠後對曰：每位改變，未知

所止，是以不知。蓋羊舌大夫之行也。位，爵次也。每位

車尉，及和容也。鄭注：大學云：止，猶自處也。未，畏天而

知所止，言未知其所自處，不可以一德名也。畏天而敬人，服義而行信，孝乎父而恭於兄，好從善而敦往

蓋謂文子之行也

畏亦敬也服從也行信者信以爲本循而行之數效也往古昔也世

於譜云趙文子晉大人名武趙朔之子

其事君也不敢愛其死然亦不

忘其身謀其身不遺其友君陳則進不陳則行而退

蓋隨武子之行也

愛惜也虛注云不愛其死不苟免於難也

陳謂陳其德教聘珍謂謀計也遺忘也陳謂陳力君

陳者君與之陳也論語曰陳力就列不能者止世族

諸云隨武子晉大夫范會也士爲孫杜注宜十七年

左傳云初受隨故曰隨武子後受范復爲范武子

其爲人之淵泉也多聞而難誕也不內辭足以沒世

國家有道其言足以生國家無道其默足以容蓋桐

提伯華之行也淵深也泉水原也爲人淵泉謂思慮

也不內辭者無行可悔不內自訟也沒世謂終身生

起也謂興起在位也桐提左傳作銅鞮孔氏左傳昭

五年疏云銅鞮伯華名赤字伯華食外寬而內直自
邑於銅鞮世族譜云赤羊舌職之子

設於隱栝之中直己而不直於人以善存句亡汲汲

蓋蘧伯玉之行也易曰君子敬以直內設置也隱讀

栝栝烝矯然後直楊注云櫟荀子性惡云栝木必將待櫟

自設於隱栝之中能以禮自鞏直也聘珍謂直正也

不直於人者正己而不求於人也易曰成性存存孔

疏云存謂保其終也亡無也汲汲欲速也論語曰君

子哉蘧伯玉邦有道則仕邦無道則可孝子慈幼允

卷而懷之盧注云伯玉衛大夫蘧瑗也德稟義約貨去怨蓋柳下惠之行也允信也稟敬也

利去除也論語曰放於利而行多怨盧注云柳下惠魯士師展禽也食采於柳下惠諡也其言曰

君雖不量於臣臣不可以不量於君是故君擇臣而
使之臣擇君而事之有道順君無道橫命晏平仲之

行也

量度也。少儀曰：事君者，量而後入，不入而後量。

橫讀曰：衡。史記云：晏平仲嬰者，萊之夷維人也。國有道，即順命；無道，即衡命。張氏正義云：德恭而行，衡稱也。謂國無道，則制稱量之，可行即行。

信終日言不在尤之內，在尤之外，貧而樂也。蓋老萊

子之行也。

尤，過也。漢書藝文志：班氏自注云：老萊子，楚人，與孔子同時。

易行以俟

天命，居下位而不援其上，觀於四方也，不忘其親，苟

思其親，不盡其樂，以不能學爲己終身之憂，蓋介山

子推之行也。

易，平易也。俟，待也。援，扳引也。盧注云：晉大夫介之推也。

大戴禮記解詁卷之七

南城王聘珍學

五帝德第六十二

宰我問於孔子曰昔者予聞諸榮伊令黃帝三百年

請問黃帝者人邪抑非人邪何以至於三百年乎

宰

字子我魯人也孔子弟子榮伊人姓名書序有榮伯
馬注云榮伯周同姓畿內諸侯爲卿大夫也周語有
榮夷公韋注云榮國名周書王會有榮氏以國爲氏
者也令教言也顏氏家訓云邪者未定之辭北人卽
呼爲孔子曰子禹湯文武成王周公可勝觀也夫黃

帝尙矣女何以爲先生難言之

勝盡也尙上也言入
遠也何以爲言何用

爲此也史記云百家言黃帝其
文不雅馴薦紳先生難言之宰我曰上世之傳隱

微之說卒業之辨闇昏忽之意非君子之道也則予

之間也固矣

卒終也業事也辨分別也謂事既終而

忽不自知後問之

孔子曰黃帝少典之子也曰軒轅

史記云黃帝者少典之子

姓公孫名曰軒轅索隱云

少典者諸侯國號非人名也

黃帝本姓公孫長居姬

水因改姬姓居軒轅之

生而神靈張氏史記正義云

陽不測之謂神書曰人為

惟弱而能言史記索隱云弱

萬物之靈故謂之神靈也

謂幼弱時也蓋

未合能言之時而黃帝

幼而慧齊史記慧作徇裴氏

即言所以為神異也

索隱云斯文未明今案徇齊

也言聖德幼而疾速也

左傳曰子雖齊聖齊謂聖德

皆德也書曰聰明齊聖

及大戴禮並作徇齊一本作慧

齊徇慧皆智也太史公採

大戴禮而為此紀今彼文

無作徇者史記舊本亦有

作溶齊蓋古字假借徇為

溶溶深也義亦並通爾雅

齊速俱訓為疾尙書大傳

曰多聞而齊給鄭注云齊疾也今裴氏注云徇亦訓疾未見所出或當讀徇爲迅迅於爾雅與齊俱訓疾則迅濬雖異字而音同也又爾雅曰宣徇遍也濬通也

也

辯給長而敦敏敦厚也敏

成而聰明

謂年二十冠成

人也聰明聞

治五氣設五量撫萬民度四方教熊羆

見明辨也

志五氣謂五行之氣漢書律厯志云黃帝起五部孟

斗斛也度計量也說文云籠豹屬豹似虎圖文出裕

國赤帝青炎帝神農之後也史記云炎帝欲侵陵諸

侯諸侯咸歸軒轅軒轅乃修德振兵教熊羆豺獮

魏土地記下洛城東南六十里有涿鹿城城東一里

有阪泉泉上有黃帝祠晉太康地記云阪泉亦地名也

黃帝黼黻衣大帶黼裳乘龍戾雲以順天地之紀

幽明之故死生之說存亡之難

白與黑謂之黻上曰衣下青謂之黼

日裳言衣裳始有章采也大帶所以申束衣乘龍者左傳曰古者畜龍釋名云屨倚也在後所依倚也屨雲者杜注左傳云黃帝受命有雲瑞故以雲記事也易曰仰以觀於天文俯以察於地理是故知幽明之故原始反終故知死生之說史記索隱云存亡猶安危也易曰危者安其位亡者保其存是也難猶說也凡事是非未盡假以時播百穀草木故教化淳鳥獸往來之辭則曰難

昆虫

播布也時播者以時布種也草木謂疏材之屬淳和也昆者眾也說文云虫一名蝮物之微細

或行或毛或羸或介或鱗以

虫爲象故此經曰昆虫也 麻離日月星辰極敗十

石金玉勞心力耳目節用水火材物

史記麻書索隱云系本及律麻

志黃帝使羲和占日常儀占月與區占星氣伶倫造律呂大撓作甲子隸首作算數容成綜此六術而著調麻也聘珍謂離者別其位次極致也敗取也節制也禮運曰用水火金木飲食必時祭法曰黃帝正名

百物以明民共財生而民得其利百年死而民畏其神百年

亡而民用其教百年故曰三百年畏心服也易曰利

謂之神宰我請問帝顓頊孔子曰五帝用記三王用度

女欲一日辨聞古昔之說躁哉予也宰我曰昔者子

也聞諸夫子曰小子無有宿問記謂傳記度意度也

三王時近可度而知論語曰殷因於夏禮所損益可知也周因於殷禮所損益可知也辨讀曰徧宿留也

孔子曰顓頊黃帝之孫昌意之子也曰高陽史記云

高陽者黃帝之孫而昌意之子也孔氏左傳疏云先儒舊說及譙周古史考皆以顓頊帝譽爲帝之身號

高陽高辛皆國氏土地之號洪淵以有謀疏通而知事養材以任

地履時以象天依鬼神以制義治氣以教民絜誠以

祭祀

洪大也淵深材謂百穀草木任地者任其力勢

準也

制斷也義宜也率神從天居鬼從地以斷幽明

之宜

楚語曰顛頊命南正重司天以屬神命火正黎

司地

以屬民使復舊常無相侵瀆是也氣謂五行之

也

氣教民謂播五行於四時使民知布種百穀也黎明

乘龍而至四海北至于幽陵南至于交趾西濟于

流沙東至于蟠木動靜之物大小之神日月所照莫

不祗勵

楚辭云北至幽陵王注云幽陵猶幽州也王

流沙

千里而遙漢地理志云流沙在居延西北名居

延澤

史記集解云海外經云東海中有山焉名曰度

索上

有大桃樹屈蟠三千里史記正義云動物謂鳥

獸之類

靜物謂草木之類大謂五嶽四瀆小謂邱陵

墳衍

聘珍謂爾雅曰祗宰我曰請問帝嚳孔子曰元

敬也

廣雅云勵勸也祗宰我曰請問帝嚳孔子曰元

嚳之孫蟠極之子也曰高辛

史記云帝嚳高辛者黃帝之曾孫也高辛父曰

蟠極蟠極父曰元元生而神靈自言其名博施利物不

於其身聰以知遠明以察微高注呂氏不侵云於厚也聘珍謂不厚其身如

禹之菲飲食惡衣服卑宮室之類是也楚語曰明能光照之聰能聽徹之也順天之義知

民之急仁而威惠而信修身而天下服天之義謂天時之宜急困

難也仁而威謂德威也取地之財而節用之撫教萬

民而利誨之厯日月而迎送之明鬼神而敬事之撫安

存也利養也厯讀曰厯爾雅曰厯相也相月其色

之出入而察之若寅寅寅寅然故曰迎送之

郁郁其德嶷嶷其動也時其服也士春夏乘龍秋冬

乘馬黃黼黻衣執中而獲天下日月所照風雨所至

莫不從順郁郁文章貌嶷嶷高貌動謂動眾使民也服用也士有道德之稱獲得也得其心也

宰我曰請問帝堯孔子曰高辛之子也曰放勳

史記云帝

啓娶陳鋒氏女生放勳馬注尚書云堯諡也翼善傳聖曰堯放勳堯名其仁如天其知

如神就之如日望之如雲富而不驕貴而不豫

左傳曰如

天之無不覆也易曰知幾其神乎豫謂逸豫黃黼黻衣丹車白馬伯夷主

禮龍夔教舞舉舜彭祖而任之四時先民治之

丹車者丹

漆之車言車有采飾也鄭語曰姜伯夷之後也伯夷能禮於神以佐堯龍夔二臣名舞謂樂舞史記索隱

云彭祖即陸終氏之第三子篋鏗之後後爲大彭亦稱彭祖四時先民治之者命羲和仲叔分宅東南西

北以正春夏秋冬而敬授人時也流共工于幽州以變北狄放驩兜

于崇山以變南蠻殺三苗于三危以變西戎殛鯀于

羽山以變東夷

鄭注尚書云共工水官也其人名氏未聞先祖居此官故以官氏也堯末

時義和之子皆死庶績多闕而官廢當此之時驩兜共工更相薦舉馬云三苗國名也縉雲氏之後爲諸侯蓋饗饗也鯀臣名禹父也幽州北裔崇山南裔三危西裔殛未也羽山東裔也史記索隱云變謂變其形及衣服同其言不貳其德不回四海之內舟輿所於夷狄也

至莫不說夷

貳疑也回邪也夷平也

邪

宰我曰請問帝舜孔子曰

螭牛之孫瞽叟之子也曰重華

史記云虞舜者名曰重華重華父曰瞽叟

瞽叟父曰橋牛馬云舜諡也

好學孝友聞于四海陶家事親寬裕

溫良敦敏而知時畏天而愛民恤遠而親親

荀子云不

成舜學於務成昭書曰父頑母嚚象傲克諧以孝史記云舜順適不失子道兄弟孝慈家當爲稼孟子曰自耕稼陶漁史記云舜耕歷山陶河濱知時者史記云惟時相天事正義云惟在順時觀天所宜而行事也承受大命依于倪皇
承受大命者受堯陟帝位之命也依讀如依乎中庸倪讀

日藝禮運曰功有藝鄭注云藝或爲倪是藝倪古文
通也藝皇即藝祖書曰正月朔日受終于文祖又曰
格于藝祖鄭注云藝祖文祖猶周之明堂又云文祖
者五府之大名舜周之明堂司馬貞云尚書帝命
曰五府五帝之廟蒼曰靈府赤曰文祖黃曰神斗白
日顯紀黑曰元矩唐虞謂之五府夏謂世室殷謂重
屋周謂明堂皆徹明通知爲天下工敬聖也通知能
祀五帝之所也
爲天下工言爲天下舉賢使禹敷土主名山川以利
建官也此與下文爲目也
於民大善曰禹敷土隨山刊木奠高山使后稷播種務
勤嘉穀以作飲食書曰棄黎民阻飢汝后稷播時百
義和掌麻敬授民時書曰乃命義和欽若昊天麻象
也舜時仍使益行火以辟山萊孟子曰舜使益掌火
掌其舊職也
讀曰闢開也
萊草穢也
伯夷主禮以節天下主禮也鄭注尚書
禮天事地事人

事之禮也。節限制也。夔作樂以歌籥舞和以鍾鼓。書曰伯夷作秩宗。

夔命汝典樂又曰歌永言蔡氏月令章句云樂聲曰歌樂容曰舞籥管也和應也乘籥而舞其節與鍾鼓

相。應。舉陶作士忠信疏通知民之情。鄭云士察也。主察

于刑之中以教祗德。契作司徒教民孝友敬政率

經。書曰契作司徒敬敷五教。馬云五教五品之教。鄭

其言不惑其德不慝舉賢而天下平。慝邪也。謂五常也。

工南撫交趾大教。王制曰南方曰蠻。離題交趾有不

也。堯南撫交趾於禹貢荊州之南垂。幽荒之外。故越

隱云北發未詳或云當為北發五帝本紀亦作北發。索

氏羌。鮮項羌在古析支之地。應劭注漢書武帝紀云

禹貢梁換屬雍州在金城河關之西西戎也鄭詩商

頌箋云氏羌夷狄國在西方者也孔疏云氏羌其居

在秦隴北山戎發息慎齊語曰北伐山戎韋注云山

之西戎少北字北發是北方國名鄭云息慎或謂之

戎慎東北夷杜注左氏昭九年傳云肅慎在元菟北

肅慎東北夷杜注左氏昭九年傳云肅慎在元菟北

餘里東長鳥夷羽民東長鳥夷謂長夷鳥夷也史記云

字長夷鳥夷也長是夷號夏本紀云鳥夷皮服集解

引鄭云鳥夷東北之民賦食鳥獸者淮南原道云舜

能理三苗舜之少也惡頓勞苦二十以孝聞乎天下

朝羽民

三十在位嗣帝所五十乃死葬于蒼梧之野惡頓猶

書曰舜生三十徵庸三十在位五十載陽方乃死史

記云舜年二十以孝聞年三十堯舉之年五十攝行

天子事年五十八堯崩年六十一代堯踐帝位踐帝

位三十九年南巡狩崩于蒼梧之野葬于江南九疑

是為宰我曰請問禹孔子曰高陽之孫鯀之子也曰

岑陵

文命

史記云夏禹名曰文命禹之父曰帝顓頊

敏給克濟其德不

似其仁可親其言可信聲爲律身爲度稱以上士

穆穆爲綱爲紀爾雅曰濟成也聲爲律者聲中律

也孔氏鄉飲酒義疏云身上正也廣雅云士事也稱以

上士者稱其聲與身而正音樂尺度之事也夏本紀

云天下皆宗禹之明度數聲樂疊聲勉爲政謂立法度

以理巡九州通九道陔九澤度九山巡行也州當爲

文云平九州不當複出史記索隱云九川者弱黑河

漾江沈淮渭洛也聘珍謂九道者爾雅曰一達謂之

道路二達謂之岐三達謂之制有因達謂之衢五

達謂之康六達謂之莊七達謂之刺駘入達謂之崇

期九達謂之遠陔九澤者雷夏大野彭蠡

澤云夢蒙澤荷澤孟諸野九山者合黎三危積石

嶺下嶽王屋桐柏鳥鼠同爲神王爲民父母左準繩

宗熊耳部九川所從出者

右規矩，揆四時，據四海，平九州，戴九天，明耳目，治天

下左氏襄十一年傳曰夫君神之主而民之望也其

也九州者冀充青徐揚荆豫梁雍也舜肇十有二州

至禹復爲九焉左氏襄四年傳曰芒芒禹跡蓋爲九

天西南朱天西方成天西北幽天北方元天東北蠻

鈞天中央舉皋陶與益以贊其身舉干戈以征不享不

庭無道之民四海之內舟車所至莫不賓服贊佐也

禹立而舉皋陶薦之且投政焉而皋陶卒而后舉益

任之政孟子曰征者上伐下也書曰惟時有苗弗率

汝徂征禹乃會羣后誓于師穀梁昭三十二年傳曰

諸侯不享覲范注云享獻也詩曰幹不庭方毛傳云

庭直也廣雅孔子曰予大者如說民說至矣予也非

云賓敬也

其人也大者如說言無有大如此說者也民宰我曰

者先民也毛詩小旻傳云昔曰先民宰我曰

予也不足誠也。敬承命矣。他日宰我以語人有爲道諸夫子之所。孔子曰：吾欲以顏色取人於滅明邪？改之。吾欲以語言取人於予邪？改之。吾欲以容貌取人於師邪？改之。宰我聞之懼，不敢見。仲尼弟子列傳云：子羽狀貌甚惡，欲事孔子。孔子以爲材薄，既已受業，退而脩行，名施乎諸侯。孔子聞之，曰：吾以言取人，失之宰予；以貌取人，失之子羽。宰予字子我，利口辯辭，顓孫師陳人，字子張。

帝繫弟六十三

少典產軒轅，是爲黃帝。

史記云：黃帝者，少典之子，姓公孫，名曰軒轅。又云：有土德

之瑞，故號黃帝。黃帝產元囂，元囂產螭極，螭極產高辛，是爲帝嚳。史記云：帝嚳高辛者，黃帝之曾孫也。高辛父曰螭極，螭極父曰元囂，元囂父曰黃帝，自元囂與

蟻極皆不得在位。至高辛，即帝位。高辛於顓頊爲族子。又云：顓頊崩而元器之孫高辛立，是爲帝嚳也。

帝嚳產放勳，是爲帝堯。史記云：帝堯者，放勳又云：帝

崩而弟放勳立，是爲帝堯。黃帝產昌意，昌意產高陽，是爲帝顓頊。

史記云：帝顓頊，高陽者，黃帝之孫，而昌意之子也。又

云：黃帝崩，葬橋山，其孫昌意之子高陽立，是爲帝顓頊。

也。顓頊產窮蟬，窮蟬產敬康，敬康產句芒，句芒產螭

牛。螭牛產瞽叟，瞽叟產重華，是爲帝舜。及產象，敖

云：虞舜者，名曰重華。重華父曰瞽叟，瞽叟父曰橋牛。

橋牛父曰句望，句望父曰敬康，敬康父曰窮蟬。窮蟬

父曰帝顓頊，顓頊父曰昌意，以至舜七世矣。自從窮

蟬以至帝舜，皆微爲庶人。舜父瞽叟盲，而舜母死，瞽

叟更娶妻而嬖，顓頊產鯀，鯀產文命，是爲禹。史記云：夏

命禹之父曰鯀，鯀之父曰帝顓頊，顓頊之父曰昌意。

昌意之父曰黃帝，禹者，黃帝之元孫，而帝顓頊之孫

禹之曾大父昌意及父鯀皆不得在帝位為人臣
又云自黃帝至舜禹皆同姓而異其國號以章明德
故黃帝爲有熊帝啟項爲高陽帝嚳爲高辛帝堯爲
陶唐帝舜爲有虞帝禹爲夏后而別氏姓姒氏契爲
商姓子氏棄
爲周姓姬氏黃帝居軒轅之邱娶于西陵氏之子謂
之嫫祖氏產青陽及昌意青陽降居泚水昌意降居
若水山海西山經云玉山西四百八十里曰軒轅之邱郭注云黃帝居此邱因號軒轅邱說文云邱土之高也非人所爲也史記云黃帝居軒轅之邱而娶于西陵之女是爲嫫祖嫫祖爲黃帝正妃生二子其後皆有天下其一曰元囂是爲青陽青陽降居泚水其二曰昌意降居若水聘珍謂泚水卽江水也說文云江水出蜀湔氐微外岷山在蜀郡氐道縣大江所出若水出蜀郡旄牛徼外東南至故關爲若水紹承大位降居斯水爲諸侯焉
少不足紹承大位降居斯水爲諸侯焉

山氏蜀山氏之子謂之昌濮氏產顓頊

史記云昌意娶蜀山氏女

曰呂僕生高陽高陽有聖德焉酈氏水經注云昔意娶蜀山氏女生顓頊於若水之野有聖德二十登帝位承少皞金官之政顓頊娶于滕氏滕氏奔之子謂而以水德寶麻矣

之女祿氏產老童老童娶于竭水氏竭水氏之子謂

之高緡氏產重黎及吳回

郭注山海經云世本云顓頊娶于滕瑣氏謂之女祿

產老童老童娶于根水氏謂之驕福產重及黎史記集解引徐廣云世本云老童生重黎及吳回楚世家云重黎爲帝嚳高辛居火正帝嚳命曰祝融其工氏作亂帝嚳使重黎誅之而不盡帝乃以庚寅日誅重黎而以其弟吳回爲重黎後復居火正爲祝融吳回氏產陸終陸終氏娶于

鬼方氏鬼方氏之妹謂之女隤氏產六子孕而不粥

三年啟其左脅六人出焉

孕喪子也粥生也易曰婦孕不育兩腋下謂之脅太

平御覽引世本云吳回氏生陸終陸終娶于鬼方氏之妹謂之女隤生子六人孕而不育三年啟其左脅

三人出焉啟共右竹三人出焉楚世家云吳回生陸終陸終生子六人坼剖而生焉其一曰樊

是爲昆吾其二曰惠連是爲參胡其三曰錢是爲彭

祖其四曰萊言是爲云邠人其五曰安是爲曹姓其

六曰季連是爲芊姓樊惠連錢萊言安季連皆其名也昆吾參胡彭祖云邠人曹姓

芊姓乃其氏也氏或以國或以字是爲曹姓是爲芊

姓者史記云姓曹氏姓芊氏是也楚世家云陸終生

子六人坼剖而生其長一曰昆吾二曰參胡三曰彭

祖四曰會人五曰曹姓六曰季連芊姓楚其後也集

解云虞翻曰昆吾名樊爲已姓封昆吾彭祖名翦爲

彭姓封於大彭索隱云宋衷曰昆吾國名已姓所出

參胡國名斯姓無後萊言名也妘姓所出邠國也安

名也曹姓者諸曹所出也季連名也芊姓諸楚所出

先楚之季連產什祖氏什祖氏產內熊九世至于梁婁

魚出九世謂自內熊以下九世也梁婁魚出未詳楚世家云季連生附沮附沮生穴熊其後中微或

在中國或在蠻夷弗能紀其世自熊渠有子三人其孟之名爲無康

爲句亶王其中之名爲紅爲鄂王其季之名爲疵爲

戚章王楚世家云周成王之時封熊繹於楚蠻封以子男之田姓芊氏居丹陽其後熊渠生子三

人當周夷王時熊渠曰我蠻夷也不與中國之號諡

乃立其長子康爲句亶王中子紅爲鄂王少子執疵

爲越章王皆在江上楚蠻之地昆吾者衛氏也參胡者韓氏也彭祖

者彭氏也云郟人者郟氏也曹姓者邾氏也季連者

楚氏也此言陸終六子皆有爵土當周之時其地則爲衛韓彭鄭邾楚也氏並讀曰是鄭注觀禮

云古文是爲氏也衛氏也者杜注左氏哀十七年傳

云衛有觀在於昆吾氏之墟今濮陽城中聘珍謂杜

地周以封韓左傳曰韓武之穆也春秋前爲晉所滅

其地在陝西同州府韓城縣彭氏也者鄭語曰大

彭豕韋爲商伯矣韋注云大彭陸終弟三子曰錢爲

彭姓封於大彭謂之彭祀彭城是也豕韋彭姓之別
封於豕韋者聘珍謂彭城春秋時爲宋邑楚漢之閒
爲西楚在今徐州府銅山縣鄭氏也者鄭語曰妘姓
鄔鄔路偃陽韋注云陸終弟四子曰求言爲妘姓封
於鄔鄔今新鄭也鄭語曰桓公東寄孥與賄號鄔受
之十邑皆有寄地韋注云後桓公之子武公竟取十
邑之地而居之今河南新鄭是也邾楚至周猶是陸
終之裔杜氏春秋世族譜云邾國曹姓顓頊之後有
陸終氏產六子其弟五子曰安邾即安之後也周武
王封其苗裔邾挾爲附庸居邾今魯國鄒縣是也聘
珍謂杜云魯國鄒縣者今山東兗州府鄒縣世族譜
云楚芊姓顓頊之後也其後有驚熊事周文王早卒
成王封其會孫熊繹於楚以子男之田居丹陽今南
郡枝江是也杜氏通典云楚初都丹陽爲今秭歸後
徙枝江亦曰丹陽聘珍謂楚封丹陽在今宜昌府歸
州東南楚遷丹陽在今荊州府枝江縣西春秋初楚
尙都 帝嚳卜其四妃之子而皆有天下上妃有郤氏

之女也曰姜原氏產后稷次妃有媯氏之女也曰簡

狄氏產契次妃曰陳隆氏產帝堯次妃曰陬訾氏產

帝摯

史記周本紀云周后稷名棄其母有邠氏女曰姜原姜原爲帝摯元妃殷本紀云殷契母曰簡

狄有娥氏之女爲帝摯次妃

五帝本紀云帝摯娶陳鋒氏女生放動娶媧訾氏女生摯藝文類聚引世本

云陳鄆氏之女曰慶都

生帝堯帝堯娶于散宜氏之陬訾氏之女曰常儀生帝摯

子謂之女皇氏

太平御覽引宋注世本云女皇氏生丹朱帝舜娶于帝堯

之子謂之女匿氏

昔曰釐降二女于媧內嬪于虞史記云堯妻之二女索隱云列女傳

云二女長曰娥皇次曰女英

系本作女瑤娶于有莘瑤大戴作女園正義云女英生商均

氏之子謂之女志氏產文命

史記索隱云案世本蘇氏有辛氏女謂之女志

是生高密宋衷云高密禹所封國

玉禹娶于塗山氏篇引世本云縣生高密是爲禹也

之子謂之女嬌氏產啟

書曰娶于塗山史記云夏后帝啟禹之子其母塗山氏之

也女

勸學第六十四

君子曰學不可以已矣青取之於藍而青於藍水則爲冰而寒於水木直而中繩輶而爲輪其曲中規枯

暴不復挺者輶使之然也

已止也青東方色也藍染青草冰水凍也中台也繩

所以爲直者輶讀若矯揉輪謂車輪規所以爲圓者考工記曰規之以砥其圓也枯朽也暴墳起也言車輪之久而敝也挺直也此並言是故不升高山不知學能化其本質故不可以已也

天之高也不臨深谿不知地之厚也不聞先王之遺

道不知學問之大也

易曰君子學以聚之問以辨之

于越戎貉之子

生而同聲長而異俗者教使之然也

杜氏世族譜云越者如姓封於

會爾自號於越於者夷言發聲也鄭注既夕記云今
文于爲於保傳曰胡越之人生而同聲嗜慾不異及
其長而成俗也參數譯而不能相通教習然也是故水從繩則直金就礪則
利君子博學如日參己焉故知明則行無過詩云嗟
爾君子無恆安息靖恭爾位好是正直神之聽之介
爾景福神莫大於化道福莫長於无咎廣雅云礪磨也史記索隱
云參驗也己謂己躬也言博學者如每日驗諸躬行
則所知之理益明所行亦無過矣詩小雅小明之五
章也毛傳云息猶處也靖謀也介景皆大也韓注易
繫辭傳云神也者變化之極道者先王之遺道福者
大慶之辭易曰无咎者善補過也孔子曰吾嘗終日思矣不如須臾
之所學吾嘗跂而望之不如升高而博見也升高而
招非臂之長也而見者遠順風而呼非聲加疾也而

者著假車馬者非利足也而致千里假舟楫者非

能水也而絕江海君子之性非異也而善假於物也

論語曰吾嘗終日不食終夜不寢以思無益不如學也

也 跛舉足也博廣也著明也假借也楫櫂也絕渡也

呂氏用眾云善學者假人之長以補其短 南方有鳥名曰蛟鳩以羽爲巢

編之以髮繫之葦菴風至菴折子死卵破巢非不完

也所繫者然也西方有木名曰射干莖長四寸生於

高山之上而臨百仞之淵木莖非能長也所立者然

也蓬生麻中不扶自直蘭氏之根懷氏之苞漸之滌

中君子不近庶人不服質非不美也所漸者然也

蛟讀曰蒙楊注荀子云蒙鳩無鶴也聘珍謂緝聯次也葦

菴蘆秀也折斷也鳥未孚曰卵完因也說文云鳥在大哉禮已解古

卷之七

十三

木曰巢，葦苕草屬，非可繫之處。一切經音義引廣志云：射干巢於絕巖高木也。廣雅云：莖本也。蘭氏懷氏未詳史記三王世家云：蘭根與白芷漸之滄中。君子不近庶人，不服者所以漸然也。漬也。說文云：滄，久泔也。服用也。此言爲學當慎其所處也。是故君子靖居恭學，脩身致志。

處必擇鄉游，必就士，所以防僻邪而道中正也。

靖安也。恭

敬也。學記曰：退息必有居學。致盡也。處，居止也。游，謂從游論語曰：里仁爲美，擇不處仁焉。得知又曰：居是邦也，事其大夫之賢者，物類之從必有所由。榮辱之友，其士之仁者，道由也。來各象其德，肉腐出蟲，魚枯生蠹，殆教亡身。禍災乃作，強自取折，柔自取東，邪穢在身，怨之所構。布薪若一，火就燥，平地若一，水就溼，草木疇生，禽獸羣居，物各從其類也。

由自也。象似也。德有吉凶，榮辱象之。易曰：樞機之發，榮辱之主也。蠹，害物之蟲。

殆危也。聖人脩道之謂教。殆致者攻乎異端以危正。道亡忘也。亡身謂不有其身也。柔懦也。束拘也。懦不能立。則爲物所拘。是故正鵠張而弓矢至焉。林木茂

而斧斤至焉。樹成蔭而鳥息焉。醴酸而蚋聚焉。故言

有召禍行有招辱。君子慎其所立焉。鄭注禮記云。畫

布曰正。棲皮曰

鵠。陸氏釋文云。正鵠皆鳥名也。一曰正正也。鵠直也。

大射則張皮侯而棲鵠。賓射張布侯而設正也。廣雅

云。醴酢也。楊注荀子正名云。醴暑泄之酸氣也。蚋蚊

也。說文云。秦晉謂之蚋。楚謂之蚊。易曰。君子以立不

方。積土成山。風雨興焉。積水成川。蛟龍生焉。積善成

德。神明自傳。聖心備矣。

積聚也。易曰。善不積不足以成名。又曰。以通神明之德。傳

述也。是故不積跬步。無以致千里。不積小流。無以成

江海。騏驥一蹀。不能千里。駑馬無極。功在不舍。樛而

舍之朽木不折楔而不舍金石可鏤

銛一舉足也淮南說林云步之

遲百舍不休千里可致史記李斯傳云河海不擇細流故能就其深說文云駉馬青驥文如博棊也驥千里馬也蹀動也駉駉最下馬也極盡也舍止也楔讀曰錐刻也鏤彫飾也夫蟻無爪牙之

利筋脈之強上食晞土下飲黃泉者用心一也蟹二

螯八足非蛇鯁之穴而無所寄託者用心躁也

玉篇云蟻

蟻蟻也蟻蟻仄行即寒蚓也孟子曰夫蚓上食稿壤下飲黃泉晞乾也廣雅云蝻蟹蛭也其雄曰鯁鯁其雌曰博帶楊云螯蟹首上如鉞者玉篇云鯁魚似蛇與鯁同說文云蟹有二螯八足旁行非蛇鯁之穴無所是故無憤憤之志者無昭昭之明無絲絲之事者無赫赫之功
憤憤積憤也絲絲長也赫赫盛也
行跋塗者不至事兩君者不容目不能兩視而明耳不能兩聽而聰騰虵

無足而騰，鼯鼠五伎而窮。

陸氏釋文云：字林云：神蛇也。讀曰岐。爾雅曰：騰，騰蛇。

也。慎子云：騰蛇游霧，伎讀曰技。說文云：鼯，五技鼠也。能飛不能過屋，能緣不能窮木，能游不能渡谷，能穴

不能揜身，能走不能先人。詩云：鳴鳩在桑，其子七兮。淑人君子，其

儀一兮。其儀一兮。心若結兮。君子其結於一也。

詩曹風鳴

鳩篇。鄭箋云：儀，義也。善人君子，其執義當如一也。毛傳云：言執義一，則用心固。

昔者瓠巴鼓

瑟而沈魚出聽，伯牙鼓琴而六馬仰秣。

高注：淮南說山云：瓠，巴楚

人，仰秣，仰頭吹吐，謂馬笑也。聘珍謂六馬者，周禮曰：校人辨六馬之屬，謂種馬戎馬、齊馬、道馬、田馬、駕馬。

夫聲無細而不聞，行無隱而不形，玉居山而木潤淵。

生珠而岸不枯，為善而不積，乎豈有不至哉。

高注：淮南說山

云：玉，陽中之陰，故能潤澤草木。珠，陰中之陽，有光明，故岸不枯。易曰：善不積不足以成名。

孔子曰

野哉君子不可以不學

野鄙略也言人氣質鄙略者由於不學之故也

見人

不可以不飾不飾無貌無貌不敬不敬無禮無禮不

立夫遠而有光者飾也近而逾明者學也

飾修飾也貌謂文貌

論語曰不學禮無以立逾益也

譬之如滂邪水潦濁焉莞蒲生焉從

上觀之誰知其非源泉也

滂邪濁水不流之地水潦雨水也濁讀曰屬莞草名

蒲水草也並可以作席者原水泉本也此言人有美質亦如原泉質不美者學以化之及其成功與美質

者無異珠者陰之陽也故勝火玉者陽之陰也故勝水

其化如神

楚語曰珠足以禦火災玉足以庇蔭嘉穀使無水旱之災韋注云珠木精鄭注則禮

玉府云玉是陽精之純者食之以禦水氣賈疏云玉是火精

故天子藏珠玉諸侯

藏金石大夫畜犬馬百姓藏布帛不然則强者能守

之知者能乘之賤其所貴而貴其所賤不然矜寡孤

獨不得焉

言德尊者所藏貴德卑者所藏賤喻學優者德厚學淺者德薄無分於矜寡孤獨也

子貢曰君子見大川必觀何也

說文云川貫穿通流水也李巡注爾雅云

水流而分交錯相穿故曰川也

孔子曰夫水者君子比德焉偏與之

而無私似德

與及也偏與之者水流溼也無私謂其本性就下非有私也德者得其性者也

宋元本並作偏與今俗本偏作偏形近譌也

若作偏與則於下文所不及者相違異矣

生所不及者死似仁

易曰潤萬物者莫潤乎水孟子曰民非水火不生活白虎通云

仁者其流行痺下偃句皆循其理似義

痺讀曰卑偃直也句曲也

循從也理條理也荀子議兵云義者循理

其赴百仞之谿不疑似勇

赴趨也

注川曰谿疑止也

淺者流行深淵不測似智

李注爾雅

才真言角言 卷之七

其

云淵藏也智者弱約危通似察說文云弱撓也謂撓
洪洋而有謀曲也約纏束也
之旋繞也危險通達也弱約危通者謂水流於曲處
則繞之危地皆能達察明也纖微皆審謂之察春秋
繁露云水循嶽赴下受惡不讓似貞惡垢穢也讓辭
不遺小閒既似察者受惡不讓似貞也釋名云貞定
也精定不苞裹不清以入鮮潔以出似善化苞裹藏
動惑也
明也潔清也變化也謂納必出量必平似正出行也
汙而流潔若變化其汙然必出量必平似正必出者
孟子曰坎水無有不平也量斗斛名喻科坎盈不求概
也易曰坎不盈祗既平左傳曰正直爲正盈不求概
似厲盈滿也楊云概平斗斛之木盈不求概謂盈科
正五文相足易曰坤折必以東西似意折謂曲折必
六二之動直以方也折必以東西似意以東西者孟
子曰水信無分於東西也似是以見大川必觀焉
意者意東而東意西而西也

大戴禮記解詁卷之七終

姪嘉會校刊